



MARCELLI
PALING.
POETA.

1592.







4028


A

1144

P

MANZONI, P.A.

- 1) S.T.C. 19143
- 2) S.T.C. 22257



AR
MEN
PEN
m


A

Qui
M
lan
E

ARITHMETICA
MEMORATIVA, SIVE COM-
PENDIARIA ARITHMETICÆ

tractatio, non solum tyronibus, sed
etiam veteranis & bene exercitatis in
ca arte viris, memoriæ juvandæ
gratiâ admodum ne-
cessaria.

AUTHORE GUILIELMO
*Bucleo Cantabrigiensi,
Collegii Regalis socio.*



LIBELLUS AD LECTOREM.

Quisquis arithmetica memori vis mente tenere,
Me lege, sum parvus, commoda magna fero.
Innumeras numeret Bucleus munere grates,
Ex numeris numeros qui meminisse dedit.

Q²

LECTO.

LECTORI BENEVOLO.

Abstusam esse & difficilem arithmeticae, ut caeterarum artium, perceptionem, perceptae, nisi usus & diligentia adhibeantur, difficillimam retentionem, vetus querela est. Quam cum veram esse Guil. Buclæus (homo matheseos cognitione instructissimus) expertus fuisset; primum, ut pristinam industriam suam aboleret, quæ jam inoleverat, querelam, deinde, ut familiarior sibi faceret arithmeticae usum, quem ignorare nullo modo voluit; postremò, ut rem literariam promoveret, cuius amplificandæ dignitati plurimum semper inserviebat; arithmeticam totam versibus mandavit. In quibus licet expolitionem & ornam, quem materia ipsa repudiavit, non sit affectatè secutus; id tamen est valde sanè verisimiliter consecutus, ut magnam legentium voluptate, fructu verò maximo, typis propagari possit. Nam quæ aliorum libri, prolixitate suâ studiosos sæpiusculè deterrentes, polliceri solent, ea & breviter & satis dilucidè complexus est; ac memoriam tam præclare consuluit, ut circumscriptam hanc, & numerosam oratione, eam non solum adjuvâsse, sed confirmâsse etiam visus sit. Tu, lector, istis fruire, & humanitate tuâ effice, ut, Buclæo aliquot abhinc annis defuncto, foetus iste ingenii sui immortalis esse possit. Erat autem Buclæus (nè nescias) patriâ Lichfeldensis, studio Cantabrigiensis, in Collegio Regio: unde, decursis scientiarum, & honorum academicorum curriculum, amicorum non iniquis sanè pollicitationibus in aulam evocatus est. Hic verò cum aliquantisper constitisset, tam charus Edvardo sexto, felicitis memorie regi, proceribusque miraculum illum naturæ propter admirabilem mathematicarum disciplinarum peritiam appellantis, esse cœpit, ut satis appropinquantis, magnum sui desiderium mortuus reliquerit.

ARITHMETICÆ MEMORATIVÆ Guil. Buclæi Cantabrigienſis

Prima pars.

SCIENTIA NUMERANDI.

TRadit arithmetice numerorum cognitionem:
Cujus sunt partes ſeptem; Rectè numerare,
Addere, ſubtrahere, & bene multiplicare, ſecare,
Progredi, & appoſita radices extrahere arte.

Canones.

In numeris ſedes prior eſt, quæ proxima dextræ;
Poſterior verò, manui quæ proxima lævæ eſt.
Eſt numerus primus, qui ſede priore notatur.
Circulus extrema nunquam regione locatur.

De numeratione.

Quantum quiſque valet numerus numeratio monſtrat,
Deſcribitque ſuis numerum quemcunque figuris:
Quod rectè ut facias, numerorum ſigna locique
Sunt diſcenda tibi. Numerorum ſigna decem ſunt;
Quorum ſignificant aliquid per ſe omnia, præter
Poſtremum, nihili quæ dicitur eſſe figura:
Circulus hæc aliàs, aliàs quoque cyphra vocatur,
Quæ ſupplere locum nata eſt, non ſignificare.
Hi * characteres, prima ſi ſede locentur,
Significant ſe ſimpliciter; poſitæque ſecundâ
Significant decies (e; quod ſi tertius illis
Obtigerit locus, ad centum ſe porrigit uſque
Summa; locus quartus ſolus tibi millia fundit;
Et quartum quintus decies complebitur, huncque
Tantundem ſextus ſuperat: Quid multa? ſequens cum
Quiſque locus ſoleat decies augere priorem.

Ratio numeros tum ſcribendi tum
exprimendi.

Scripturus numerum, à dextris fac incipias, hinc
In lævam tendens, donec conſcripſeris omnes.

* Propter
argumenti
difficulta-
tem neceſſe
fuit ſyſtole
ſæpius uti: ut
in his, Arith-
mética, De-
nominator,
&c. ut & a-
liis licentiſ
poëticis.

* Bæſis.

Poſt,

ARITH. MEMORAT.

*Post, signa minimis loca quaternaria punctis.
Punctaque quot fuerint, totidem tibi millia monstrant.
A leua verò numerorum expressio fiat.*

Numerorum divisio.

*Triplex est numerus; digitus, vel articulus, vel
Compositus. Digitusque decem semper minor est; ut
Quinque, duo, quatuor, tria, sex, septem, octo, novemque.
Articulusque decem partes qui suscipit aequas;
Ut quinquaginta, sexcenta, triginta, decemque,
Et numerus cuicumque cyphra praefixa figura est.
Compositus numerus qui ex his constat utrisque est;
Quales sunt omnes, quorum non ultima cyphra est.*

Canones.

*Additio, subtractio, multiplicatio, dextra:
Fit divisio, fit radicum extractio leua.*

De additione.

*Additio plures numeros conjungit in unum.
Addendos primum numeros hoc ordine scribe,
Primum sub primo numerum ponendo, secundum
Subque secundo, tertium item sub tertio, & isto
Pone modo reliquas, fuerint quotcunque, figuras:
Sub quibus inferius ducatur linea recta.
Quo facto, numeros, qui sunt primi ordinis, omnes
Collige: Si digitus provenerit, inferius mox
Scribatur recte: Articulus sin proveniat, tunc
Circulus inferius ponatur, cumque sequenti
Articulus serie jungatur: Compositus si
Exierit, digitum subscribas, articulumque,
Ut prius, ad seriem numerorum junge sequentem.
Hocque modo primis serieque locoque peractis,
Quae sequitur series, tibi protinus aggredienda;
Utque priore loco fecisti, prorsus agendum est,
Donec, si plures, series collegeris omnes.
Subscriptus numerus quaesitam dat tibi summam.*

Examen.

Tolle novem addendis numeris quoties potes, atque

Quod

GUILIEL. BUCLÆI.

Quod superest adverte; novem quoque tollito summa.

Si videas reliquum reliquo par esse priori;

Indicio est, errore tuum caruisse laborem.

De subtractione.

Aquali ex numero æqualem subtractio demit,

Aut ex majori tollit minuitque minorem.

Scribe suprâ numerum de quo subtractio fiet,

Inferiùs subducendum subscribito rectè,

Primum sub primo, veluti fit in additione;

Et positis numeris mox linea recta trahatur.

Tunc numerum primum primi ordinis inferioris

A supraposito numero subducito, quicquid

Resliterit subscribendo; simili ratione

Ordinibus reliquis facies: summamque relictam

Subscriptus numerus, si rectè opereris, habebit.

Si subducendi numeri fuerit numerus quis

Major eo, qui suprâ ponitur: articulus tunc

A serie, quæ consequitur, dematur; & ille

Jungendus numero est, quo tandem fit satis, unde

Inferior numerus tolli queat; atque sequenti

Semper restituas unum numero inferiori.

Examen.

Tollendum numerum cum summa junge relictâ:

Si prior exierit numerus, subtractio justa est;

Sin minus, errorem te commisisse putabis.

De multiplicatione.

Est numerum in numerum diducere, multiplicare;

Ex cujus ductu numerus producitur, in se

Contineat toties numerum qui multiplicatum,

Multiplicans quoties in se complebitur unum.

Scribatur primò numerus qui multiplicari

Debeat, & rectè sub eodem multiplicantem

Ponito; ducatur solito mox linea more.

Et numerum primum seriei multiplicantis

Multiplica in cunctos seriei multiplicandæ,

Inferiùs scribens quicquid producitur; atque

Si

ARITH. MEMORAT.

*Si plures fuerint numeri tibi multiplicantes,
Omnes in numerum deducito multiplicandum,
Semper subscribens quicquid producitur, idque
Rectè sub numero scribatur multiplicante.
Et quia quot fuerint numeri tibi multiplicantes,
Productos totidem numeros quoque adesse necesse est,
Idcirco hos omnes conjunge per additionem.
Subscriptus numerus, productus jure vocetur:
Nam, quam querebas, solet hic producere summam.*

Examen.

*Divide productum numerum per multiplicantem:
Si nihil errasti, prodibit multiplicandus.*

De divisione.

*Ostendit numeri quasvis divisio partes.
Ponatur numerus suprema parte secandus,
Lineolæque duas illi supposito rectas,
Divisor sub eis ponatur parte sinistra.
Deinde vide quoties divisor contineatur
In supraposito numero, quotiensque locetur
In spatio: mox & divisorem per eundem
Multiplica, totumque quod hinc provenerit, aufer
Supremo ex numero, supra ponendo relictum,
Transfigens numerum de quo subtractio facta est.
Si plures numeros contingat adesse secandos,
Divisor dextram versus tibi promoveatur
Unam per seriem. Rursus quoque quærere oportet
Divisor quoties in eo, qui dividitur, sit,
Et quotientem intra spatium deponere, ut antè.
Sic reliqua absolvas prorsus quæcunque supersunt.
Nec labor hic quicquam distat variatve priori:
Sin, qui dividitur, fuerit minor inferiori,
Supremo intabulo, divisor progrediatur,
Et medio in spatio ponatur cyphra; modoque
Hoc facies, donec summam divideris omnem.*

Modus scribendi residuum.

Si quid restiterit postquam divisio facta est,

GUILIEL. BUCLÆI.

*Id supra scribi divisorem solet omne:
Inter & hos numeros est linea parva trahenda,
Quæ fractum numerum. non integrum notet esse.*

Rei totius brevis comprehensio.

Divide, multiplica, subduc, transferque secantem.

Examén.

*Per divisorem quotientem multiplicabis;
Pro ducto reliquum, si quod fuit, adde: priórque
Exibit numerus, nisi te deceperit error.*

De progressionè arithmetica.

*Si plures numeri se equaliter exuperant,
Hos facile in certam rediget progressio summam.
Postremo primum numerum superaddito, totum
In numerum series monstrantem multiplicabis,
Productum medies; exhibit summa petita.*

De progressionè geometrica.

*Cùm per inæquales excessus progrediantur
Propositi numeri, proportio sit tamen una,
Illa geometriæ progressio dicitur esse.
Postremum numerum ducas in multiplicantem,
Qui docet unde suum ducat proportio nomen,
Pro ducto demas primum, partive relictum
Per numerum numero qui tantum sit minor uno
Quàm fuerat quocum reliqui sunt multiplicati:
Quæsitamque volet quotiens ostendere summam.*

Examén utriusque progressionis.

*Propositas series à tota subtrahæ summam:
Si nihil errasti, nihil hîc restare videbis.*

De extractione radicis quadratæ.

*Quadrare, est numerum semel in se multiplicare.
Querere radicem, numerum est exquirere qui in se
Ductus propositam poterit producere summam.
Cujus radicem numeri vis querere, scribe;
Descripti alternas punctis signato figuras,
Lineolâsque duas illi supponito rectas.
Et quia presenti similis divisio parti est,*

ARITH. MEMORAT.

*A puncto versus laevam incipies operari,
 Quærendo sub eo digitum, qui multiplicatus
 In se, vel totum, vel magnam tollere partem
 Signati puncto numeri possit; digitusque
 Sub puncto in medio spatio scribatur, & inde
 In se ducatur; productum tollo supremo
 Ex numero, reliquum scribens, ut quando secares.
 Dupletur quotiens; producti prima figura,
 Si binæ fuerint, versus dextram statuatur
 Sub numero punctum cui non supereminet ullum;
 Et reliqui numeri ponantur parte sinistra:
 Sic novus emergit divisor, qui quoties sit
 In supraposito numero, quætas; quotientem
 Inventum in spatio sub puncto pone sequentis
 Hunc primum in se, mox divisorem per eundem
 Multiplica; producta duo summam simul unam
 Efficiant, numero quæ subducenda supremo est;
 Et reliquum solito debes ascribere more.
 Dupletur rursus quicquid tibi linea duplex
 Suggestit, & duplum divisor erit novus, huncque
 Divide per numerum suprema parte relictum,
 Cæteraque expedias quadrando, multiplicando,
 Hinc subducendo, supra ponendo relictum:
 Quod facies donec numeros percurreris omnes.
 Si semel in reliquo duplum non possit haberi,
 Pone cyphram in spatio, divisoremque novato.*

Examen.

*Quadra radicem, quadrato iunge relictum,
 Si modò quid fuerit: numerus si prodeat idem
 Cum primo, rectè est; si non, opus est iterandum.
 Modus colligendi minutias ex residuo.
 Duplo radicis numerus superadditur unus:
 Producto numerum mox superscribe relictum,
 Lineola adjecta numeros quæ separet ambos.
 Primæ partis arithmeticæ memo-
 rativæ finis.*

*ARITHMETICÆ MEMORATI-
væ Guil. Buclæi Cantabrigienſis
Pars ſecunda.*

De fractionibus.

Hactenus integros numeros abſolvimus; horum
Tradere nunc partes, ordòque, locuſque requirit.
Modus ſcribendi, atque exprimendi fract.

1 *Quælibet eſt numeris pars deſcribenda duobus;
Denominatorem, numeratorémque notamus.
Hic ſemper ſuprà, reliqua deſcribitur infrà;
Quæis interponi conſuevit linea parva.
Fiat & ut recto, moſ eſt, expreſſio caſu.
Integri partes oſtendit denominator:
Ex hiſ ſumende quot ſint, monſtrat numerator.
Hi cùm ſint ſemiles, integrum ſignificatur:
Si ſummus minor eſt, minor integro quoque pars eſt:
Si ſummus major, plus integro aſſeſſe neceſſe eſt.*

De minutiarum minutiis.

2 *Si pars particulas habeat, priùs has ad eandem
Duc ſpeciem quicquam quàm progrediariſ; & hoc ſit
Denominatores in ſeſe multiplicando,
Et numeratorẽs iidem; productaque eorum
Illud habent, numeri quod continère priores.*

Modus reducendi integra in fractiones.

3 *Integra multiplices numerum per denominantem,
Productò numerum debes ſubſcribere eundem;
Si quæ ſint partes, productò has adde priuſquam
Coneris numerum ſubſcribere denominantem.*

Modus colligendi integra ex fractis.

4 *Divide ſupremum numerum per denominantem;
Integra monſtrabit quotiens: ſubſcribe relictò
Denominatorem, ſi quid ſuperabit, eundem.*

Reductio ad minimos terminos.

5 *Si fieri poterit, numerum mediabis utrunque;*

Aut

ARITH. MEMORAT.

*Aut minimum invenias numerum, qui dividat ambos:
Quem sic exquires; Majori tolle minorem
Donec sint similes, qui sit divisor utrisque,
Et producta duo minimos numeros tibi monstrant.
In subducendo si perveniat ur ad unum,
Exquiri primus nè credas posse minores,
Contra se primos quos appellare solemus.*

Valorem fractionis elicere.

*6 Summum per partes integri ducito notas,
Productum numerum partire per inferiorem,
Et quotiens quantum valeant fragmenta docebit.*

Reductio ad eandem denominationem.

*7 Multiplices in se numeros primum inferiores,
Et tibi prodibit communis denominator:
Hinc numeratorem primum per posterioris
Denominatorum ducas, & denominantem
In numeratorem deducito posteriorem;
Et numeratores fient, quos ponere oportet
Supra denominatorem qui servit utrique.*

Canon observandus in additione,
& subtractione.

*8 Diversi generis cum sint fragmenta, priusquam
Addas, aut minuas, transformes in genus unum.*

Can. multiplic. & divisionis.

*9 Integra si fractis fuerint admista, reducas
Hec in particulas; tum demum multiplicare,
Partiri que potes, veluti si fracta fuissent.*

*10 Integra per partes si debent multiplicari,
Aut scindi, integris unum supponito, tanquam
Pars sit, per canones reliquumque absolve sequentes.*

Additio in fractis.

*Efficiant summam numeratores simul unam,
Et subscribatur communis denominator.
Si plures fuerint series, absolvo primas,
Productæ series jungatur tertia summae.*

GUIL. BUCIÆ.

Subtractio.

*Hic numeratori majori tolle minorem,
Et reliquo debet subscribi denominator.
Si sit ab integris pars subducenda, resolvas
Unum integrorum in partes quas denominator
Continet; & positas mox hinc subducito partes.*

Multiplicatio.

In summum summus ducatur, & inius in inium.

Divisio.

*Fac transponatur primum divisor uterque,
Ceteraque expedias veluti cum multiplicares.*

Propositis aliquot fractionibus, quæ earum
major sit cognoscere.

*Posteaquam partes nomen redigantur in unum,
Cujus erit summi proportio major ad inium,
Ilius & meritò dicenda est fractio major.*

Radicis quadratæ extractio in fractis.

*Sicut in integris, radices erue fractis,
Si modò quadrati numeri sint fracta; alioquin
Frustra radices veras querendo labores.*

Radices veris proximas in fractis elicere.

*Multiplica numeratorem per denominantem,
Producti radix numerator erit novus, illi
Denominatorem recta subscribe priorem.*

Idem exactius tam in fractis, quam in
integris præstare.

*Quadrando numero senas præfigito cyphas,
Productum quadra, radix per mille secetur:
Integra dat quotiens, & pars ita recta manebit,
Radici ut veræ ne pars millesima desit.*

Modus formandi numeros ad au-
ream regulam.

*Est primo res emptæ loco, præsumque secundo,
Postremo numerus de quo fit questio habetur,
Qui solet ejusdem cum primo nominis esse.*

Praxis

Praxis regulæ.

*Tertius in medium numerus tibi multiplicetur;
Productum numerum per primum divide; quicquid
Exeat, ignotam credas ostendere summam.*

Examen.

*Ex primi in quartum ductu producit idem,
Quem mediū facient numeri in se multiplicati.*

Regula trium eversa.

*Vt supra, sic hic numeros disponito: deinde
Duc primum in medium, divisor tertius esto.*

Examen.

*Tertius in quartum ductus producit eundem,
Quem simul efficiunt ducti prior atque secundus.*

Regula combinationis.

*Quot fuerint numeri, quos combinare velimus,
Tot sint & series, quibus est proportio dupla,
Quarum principium ducatur semper ab uno.
Omnes has series conjunge per additionem.
Producto numeros, quot combinatio constat,
Aufer: quod superest, numerum citat, unde patebit
Quot faciant numeros distinctos, undique si quis
Propositos numeros velit in se multiplicare.
Si nihil à summa prædicta surripiatur,
Restabunt partes aliquotæ, quæ numerabunt
Illum, qui numeros est inter maximus omnes,
Ex ductu in sese numerorum proveniente.*

Regula societatis.

*Omnium sortes simul in priori
Sint loco, lucrum sequitur secundo,
Singulas sortes habet explicatas*

Tertius ordo.

*Hoc modo cum sint numeri locati,
Aurei leges canonis sequaris,
Qui tibi summas facili petitas
Proferet arte.*

GUILLIEL. BUCLÆI.

Regula falsi.

*Pone aliquem numerum, quocum procede quousque
Veneris ad notum numerum: Si irrepsit error,
Ad latus hunc scribas cum signo plûsve, minûsve.
Ponito mox alium, simili quoque pergito formâ,
Errorem, si quis fuerit, signâque notando.
Duc positum primum errorem per posterio rem,
Atque secundum itidem primus multiplicet error;
Signâque si fuerint eadem, tollatur oportet
Productum minus à maiori errore minori
Majorem tollas etiam, secundâsque relictum
Productorum per numerum ex errore relictum:
Protinus invenies numerum in quotiente petitum.
Signum si signo variet, producta duo addas,
Erroresque ambos in eandem collige summam;
Quæ productorum summam disscere debet:
Quæ situs numerus mox in quotiente patebit.*

Regula alligationis.

*Ordine compositos numeros dispone ligandos,
Illis præscribens ad quem collatio fiet;
Omnes tum minimum semel huic conferto, minorum
Excessum ascribens majoribus, & vice versâ
Majorum excessus adscribe minoribus; inde
Omnes excessus in certam collige summam,
Quæ tibi sit primus numerus; positusque seorsim
Quilibet excessus numerus tibi tertius esto;
Commiscendarum rerum numerus statuatur
In medio, aut alius quem res quæstia ministret:
Dispositis numeris hoc ordine, quod superabit,
Aurea ad optatum perducet regula finem.*

FINIS.

Περὶ τῆς ἡρείας καὶ ἀριθμητικῆς τέχνης.

Μ᾿ ἔχοντε, σάθμιωτε, ζυγόντε, καὶ ἴσον ἀριθμὸν
Εὖρον μὲν πρῶτοι· τὰς δὲ δικαιοσύνη.
Ἐν δὲ δικαιοσύνῃ συλλήβδην πᾶς ἀρετὴ ἔσται.
Οὐτε δίκαιος ἀρετῇ ἢ πᾶς ἀνάνεθμος ἀνὴρ.

Ῥαδῶλφος ὁ Οὐιντερτῶν.

EPITAPHIUM

ΑΒΤΙΣ Guil. Buclæi. epitaphium

Abdita Buclæus cupiens mysteria cœli
Pandere (quæ potuit pandere nemo satis)
Exoptat sursum ferri cœlôque locari,
Et sanctum immensi limen adire Dei.
Audiit Omnipotens, nec durus vora repellit;
Buclæum terra tollit, in astra vehit.
Ille loci miro captus splendore, Deique,
In terram renuit jam revocare pedem.
Nec veram cœli faciem, nec gaudia curat
Pingere, nec solita conficit arte globos.
Nectare & ambrosia fruitur, fruiturque beatâ
Pace, nec, hic mundus quæ putat ampla, probat.
Est felix, Buclæe, tua mutatio fortis,
Conveniens animi dotibus illa tui.

G. B. T. H. P.

1000

1000

1000





